

Allannguutissatut siunnersuut

uunga

Uunga siunnersuut: Qamutit motorillit taamaallaat innaallagissamik brintimillu ingerlatillit eqqunneqarneranni nioqqutissanik eqqussuinermi akitsuummik aamma qamutit motorillit akileraarutaannik akiliinngikkallarnissaq pillugu Inatsisartut inatsisaat nr. xx, xx 2013-imeersoq

Naalakkersuisut pingajussaarinnissamut saqqummiussaat.

§ 1-imut

1. Inatsisissatut siunnersuutip taaguutaa ima oqaasertaqassaaq:

”Uunga siunnersuut: Qamutit motorillit taamaallaat innaallagissamik brintimillu ingerlatillit eqqunneqarneranni nioqqutissanik eqqussuinermi akitsuummik aamma qamutit motorillit akileraarutaannik akiliinngikkallarnissaq pillugu Inatsisartut inatsisaat nr. xx, xx 2013-imeersoq”

2. Inatsisissatut siunnersuummi § 1 ima oqaasertaqassaaq:

”§ 1. Nioqqutissanik eqqussuinermi akitsuutit pillugit Inatsisartut inatsisaanni § 1, imm. 1, nr. 21 aamma qamutit motorillit akileraarutaat pillugu Inatsisartut inatsisaanni § 2, imm. 1 naapertorlugit akiliisussaatitaanerit, qamutinut motorilinnut taamaallaat innaallagissamik brintimilluunniit ingerlatilinnut, kiisalu plug-in-hybridbiilinnut, batteriinnik innaallagissamik immeqqinneqarsinnaasunik ingerlatilinnut, 1. januar 2018 tikillugu atuutsinneqassanngillat.”

Siunnersuummut oqaaseqaatit

Oqaaseqaatit nalinginnaasut

Allannguutissatut siunnersuutip kingunerissavaa aammattaaq plug-in-hybridbiilit, batteriinik immeqqinneqarsinnaasunik ingerlateqartut, nioqqutissanik eqqussuinermi akitsuutinik aamma qamutit mootorillit akileraarutaannik akiliinngikkallarnissami pineqartunut ilaanissaat.

Plug-in-hybridit tassaapput hybridbiilit ingerlatissaminnik pilersitsinissamut assigiinngitsunik marlunnik atortuligaasut.

Plug-in-hybridit innaallagissamoortumik mootoriligaapput, batteriinik innaallagissiummut ikkullugit innaallagissamik ulikkaarlugit immeqqinneqarsinnaasunik ingerlatilimmik, aammalu mootoriligaallutik benzinamik dieselimilluunniit ingerlatilimmik.

Plug-in-hybridip hybridbiilillu allat assigiinngissutigaat plug-in-hybridip, biilit innaallagissamoortut assigalugit batteriini atorlugit kilometerini aalajangersimasuni ingerlasinnaanera, aatsaallu taanna imaaruppat mootorini dieselitortoq benzinatortorluunniit ingerlatigilersarlugu. Tassa imaappoq mootorit tamarmik immikkoorlutik biilit ingerlatissinnaavaat, hybridbiilit allat mootoritik tamaasa ataatsikkut atorlugit ingerlatigisaraat.

Plug-in-hybridi atorpeqarnissamisut atorpeqaruni, tassa mootoria ikummatissartortoq aatsaat ajornartoornermi, imaluunniit isorartuumut ingerlaarnermi atorpeqartarluni, taava plug-in-hybridi biilinit nalinginnaasunut taartaasinnaalluarpoq CO₂-mik atuinikinnerusoq.

Plug-in-hybridilli mootoria ikummatissartortoq kisimiitillugu atorpeqarsinnaammat, taassuma avatangiiisnut iluaqutissartai qularnaavinneqanngillat.

Taamaalilluni siunnersuut akitsuutinik akileraarummillu akiliinngikkallarnissap atornerlunniarpeqarsinnaaneranik ammaassivoq.

Taamaammat taamaaliortoqarsinnaanera ilaatigut sillimaffiginiarlugu biilnik akitsuuseeriaaseq akileraaruseeriaaserlu tamarmiusoq piaarnerpaamik misissoqqissaarneqartariaqassaaq.

Inatsisissatut siunnersuutip aningaasatigut kingunerisassaani naliinerup allanngortinneqarnissaa allannguutissap maannakkuugallartoq pisariaqalersinngilaa.

Aalajangersakkanut ataasiakkaanut oqaaseqaatit

Nr. 1-imut 2-mullu

Qamutit motorillit taamaallaat innaallagissamik brintimillu ingerlatillit akitsuutinik akileraarum-
millu akiliinngikkallarnissaasa, aammattaaq plug-in-hybridbiilinit atuunnissaa siunnersuutaavoq.

Plug-in-hybridit tassaapput hybridbiilit ingerlatissaminnik pilersitsinissamut assigiinngitsunik
marlunnik atortuligaasut.

Plug-in-hybridit innaallagissamoortumik motoriligaapput, batteriini innaallagissiummut ikkullu-
git innaallagissamik ulikkaarlugit immeqqinneqarsinnaasunik ingerlatilimmik, aammalu motorili-
gaallutik benzinamik dieselimilluunniit ingerlatilimmik.

Plug-in-hybridip hybridbiilillu allat assigiinngissutigaat plug-in-hybridip, biilit innaallagissamoortut
assigalugit batteriini atorlugit kilometerini aalajangersimasuni ingerlasinnaanera, aatsaallu taanna
imaaruppat motorini dieselitortoq benzinatortorluunniit ingerlatigilersarlugu. Tassa imaappoq mo-
toorit tamarmik immikkoorlutik biilit ingerlatissinnaavaat.